

查各省修造舡隻將大修改為小修小修改為緩修歷年俱有節省銀兩年終由軍機處彙奏一次應請照舊辦理估變物料數在二百兩以下者

查各省估變物料如有造冊未協或估值短少工部即隨案駁查不待彙奏時始行議駁其數在二百兩以上者例應專摺具奏二百兩以下者於年終彙奏應請照舊辦理

乾隆四十九年五月初二日江省准咨

嗣後兄亡收嫂弟亡婦罪犯應死之案除男女私自配合及先有姦情後復婚配者照律各擬絞決外其由父母主婚男女為從者即將為從之男女各擬為絞監候秋審時核其情罪另行定擬

刑部謹

奏為遵

旨酌定條例事竊照臣等議駁奉天府尹題高九聽從伊父高志禮主婚與弟婦楊氏婚配將高九楊氏各擬絞決一案乾隆四十九年十一月初七日内閣奉



上諭刑部題駁奉天府尹定擬高九收弟媳楊氏應行絞決一本昨已依議行矣因思高九亂倫之事由伊父高志禮主婚刑部查照尋常嫁娶違律事由主婚主婚為首男女為從至死者得減一等高九楊氏俱得照男女為從減等是以駁令該府尹改擬但似此亂倫重犯減等即當擬流核其情罪尚不足以照平允在刑部堂官固係按律定擬而律意亦殊有未盡之處此案雖由高志禮主婚但伊子高九何以竟甘心聽從即使平日無姦其亂倫之罪已不小况父母無有不愛其子卑幼犯法尊長出而承認主婚其亂倫之男女遂得均

由父母主婚男女為從者即將為從之男女各擬為應絞監候俟秋審時核其情罪另行定擬庶情法胥歸平允而倫紀益昭慎重矣恭俟

命下臣部載入例冊并通行各直省一體遵行所有高九楊氏一案應令該府尹審明該犯與弟婦楊氏未婚之先有無通姦情事分別辦理等因乾隆四十九年十一月十一日奏奉

旨依議欽此等因乾隆四十九年十二月十四日江省准咨